

dach by in bliuen hent dat ick worde
gheuaen **W**anden woerden die vel de
moeder en maghet in groten suchten
ende liiden. soe dat sie een woert niet
spreken mochte en magdalena oech
en schreyden oueruloedelick doch bat
sie hem dat hie dat paesche lam dat
hoghe auentmael myt hem ete wol
de en by hem bliuen toe bethanien.
Daer nae stonden sie op en ghenghen
toe een ander stede eten. **H**ir op secht
iohannes dat onse lieue here den gase
nacht nae den eten kneelde en badt
den hemelschen vader om die godli-
ke here **D**ie selue nacht kneelde oech
die reyne maghet myt magdalena
hent totten dach toe op dat hem die
hemelsche vader ontfermen wolde
en troesten sie **D**oe nacht an quā ghech
die weerde moeder ons heren toe ma-
rien magdalenen en want sie knele
en bedende myt groter andacht en